

太上九真明科

卷四

太上九真明科

亦四

太上告諸天帝王後聖君上相青童太極真人曰凡是後學得見上真三洞寶章祕經首目者皆東華書名金字上清雖未超騰控轡紫庭皆是升度之人也然雖見此文而不知

亦四

九真明科條檢儀式三洞竒文太上寶書不可得而便披也明科寶祕藏於玄都之宮玉京金房之內不傳於世乃明三洞之淵曠標衆真之儀格拔宿對於幽官度七玄於仙籍實總落於萬道解九陰之重責其妙可得立

用其科可得肅厲今故標出三品篇目以輔
揚三竒素靈妙經可誠於後學使勤尚之人
告慎於冥契

諸天帝王後聖九玄帝君上相青童太極真
人稽首敢問太上天尊至真上法高秀玄澄

落落萬宗玄寂虛凝妙超激玄法化三乘彌
綸億劫量何可勝豈復稽於明科乎

太上曰善子之言夫後生之徒自非玉虛之
胤結自然而生者皆於混元淬流於囂穢也
結有不純之行性有不專之美雖希慕玄蹟

故心恒背伐舉止所乘莫不犯於過過生乎
外滅命乎內承此而學豈不去真遠哉如使
三官報咎對在幽司禍延七祖罪累於身有
犯斯過者而使悟於玄科有糾罰之制聖化
之大復許有贖罪之法案科而用如此期真
將必近矣為學之士而無此檢亦徒勞於積
思無益於苦念也今故標出九真三品明科
自可授於後學應為真人者帝君上相青童
太極真人於是退齋上清奉受素靈大有妙
經九真科檢祕於金箓玉匱衛以玉童玉女

各三千人侍典靈文散香虛庭飛龍毒獸巨
虬千尋奮爪雲墻備玉關也如是十天大聖
九宮真仙一月三過莫不上登玄宮稟承明
科禮拜於經文也上相青童君曰凡有金骨
玉髓名參青宮得有此文祕而施行於是承
受之儀玄合上亦四典施用節度與真同功贖罪
拔難宿結咸解七玄之祖於是而欣已身昇
騰上宴玉京也

玄都九真明科上品傳經篇

玄都上品第一篇曰大洞真經雌一寶經太

上素靈大有妙經三奇之章高上玉皇寶篇
祕在九天之上大有之宮太玄靈臺玉房之
中上皇之初舊科經萬劫一傳三道正明學
真格與高上正科七千年內聽得三傳侍衛
玉童玉文各七千人執香典靈案科傳授之
法皆對告齋百日分金鈕為盟合玉童玉文
依四極科不依科而得罪延七祖幽魂充役
吞火食炭負山運石以填無極之源已身抱
風刀之罰身沒形殘長閉地獄萬不得仙
玄都上品第二篇曰傳大洞真經三十九章

於後學者誓以上金十兩銅二十五斤金鈕
五雙金魚玉龍各一枚青絲一兩纏鈕為盟
雌一以上金五兩五色文繒各五十尺香一
斤金鈕三雙太上素靈洞真玄經上金三兩
紫紋百尺青繒二十七尺赤絲五兩香一斤

亦四

三

丹一兩上皇以信誓心不得有闕闕則虧科
師犯則遷侍經玉童玉女還於本宮不過三
年身被風刀之考自然失經受者不依明科
目皆失明形殘七祖父母充北艷之責萬劫
還生非人之道學者慎之

玄都上品第三篇曰凡有金名東華玉字上
清得受太霄琅書瓊文帝章紫度炎光玄真
變經上清變化七十四方九真中經丹景道
精隱地八術解形遯變流景玉經七變僊天
皆九天真王元始天王太上天帝君中央黃
老君受於太空之中九玄之內虛無之高章
也皆祕在太上靈都之宮紫房之內三元君
主侍衛玉童玉女皆三千人元始之初經七
千劫一傳自三道立正之後七千年內聽三
傳七百年中有其人亦聽傳皆對齋九十日

或三十日或九日告盟而授之給玉童玉女
依四極科若不依科而傳罪延七祖父母充
責鬼官運濛山之石填積夜之河萬劫還生
不人之道已身被風刀之考自然失經終不
得仙傳者慎之

玄都上品第四篇曰傳瓊文帝章金魚玉龍
青繒四十二尺金鈕三雙之誓紫度炎光五
色錦各五十尺上金五兩沉香五斤真朱一
斤書刀一口金珠七枚絳文七十尺之誓上
清變化七十四方青繒四十尺上金十兩金

鈕六雙好香一斤金魚玉龍之誓九真中經
具科截髮為盟今以白絹九十尺准盟法於
九真之數青絲一斤絳繒二十四尺此日暉
之誓碧繒二十四尺月華之誓金鑲三雙无
常童子圖變之信丹景道精隱地八術解形

亦四

四

遯變流景玉經悉上金十兩金魚玉龍各一
枚青繒四十尺紫紋四十尺金鑲各三雙七
變儼天上金五兩朱一斤青繒三十二尺之
誓信以質心不得有闕闕則違科師以天信
投於山棲以拯窮之餘以供營經書之具不

得他散師犯上科奪玉童玉女減筭奪紀注
名度還北艷受者不依科皆喪魂失神風刀
之考不出三年自然失經終不得仙

玄都上品第五篇曰消魔智慧玉清隱書寶
洞飛霄絕玄金章紫鳳赤書八景晨圖金真

玉光靈書紫文金璫玉佩金根上經三天正
法皆太上大道君元始天王金闕帝君之寶
章祕在玉清之宮金房紫戶之內典衛靈文
玉童玉女各三千人元始之初皆千劫一傳

自三天立正之後七百年內聽得三傳百年

中有其人聽一傳給玉童玉女依四極明科
授者對齋九十日或三十日或九日而傳不
依科而傳罪延七玄之祖長充鬼役無有解
脫已身被風刀之考死充下鬼萬不得仙
玄都上品第六篇曰傳消魔智慧寶洞飛霄

亦四

五

絕玄金章紫鳳赤書八景晨圖皆上金十兩
玉札一枚金魚玉龍各一枚紫繒四十尺金
根衆經靈書紫文上金五兩金簡玉札各一
枚枚長一尺六寸廣二寸四分金魚玉龍各
一枚紫繒百尺青紋四十尺三天正法青縑

三十尺青布四十三尺金環五雙以為密誓
上金十兩通神之信金真玉光玉佩金璫玉
清隱書皆金魚玉龍各一枚以為誓信依科
不得有闕闕之則師奪玉童玉女注名還度
北艷受者皆喪魂失神考以風刀不出三年
自然失經萬不得仙

玄都上品第七篇曰七星移度白羽黑翮飛
行羽經飛步天綱躡行七元太上隱書靈飛
六甲皆太上太帝君太微天帝君登空之道
隱化之祕章祕在太上瓊宮之上紫房之內

侍衛玉童玉女皆三千人依科七千年一傳
三天立正之後改七百年內聽三傳若百年
中有其人便傳傳授告齋九十日或三十日
給玉童玉女依四極明科不依科而傳罪延
七玄之祖長充北酆鬼役十苦八難已身被
風刀之考永沒幽源萬不得仙

玄都上品第八篇曰傳七星移度青紋三十
二尺絳繒三十尺鳳紋之羅九十尺金鈕一
雙白羽黑翮飛行羽絰金二兩青繒三十二
尺以代截髮喻血之誓飛步天綱錦三十尺

金魚玉龍之誓靈飛六甲白素六十尺金環
六雙青絲六兩天科以信質心不得有闕闕
則違玄都師奪玉童玉女除落青簿玉名移
還北酆受者不依科亡精喪神罰以風刀不
出三年自然失經終不得仙

亦四

六

玄都上品第九篇曰傳方丈震靈豁落七元
八天隱文流金火鈴金神虎符消魔支幹夜
照神燭八術隱遁紫清玉符五籍洞玄六甲
上符五行祕文玄都玉格諸符凡有六百部
太上悉以其文標於舊經之內以為立用傳

授明科悉依經科傳受有闕罪同上品有經
無符則天魔害人有符無經則思念無感神
真不降科云皆不得單行單行罪亦如之科
經及符本同出於自然之氣虛無之章旨故
不得獨循也無科循道萬不成也

玄都九真明科中品誠罪篇

玄都中品第一篇曰諸是後學七祖以下有
殺害人命劫賊攻略謀圖奸淫篡逆之禍九
族交通謀反無道其考尤重怨對咎逮積結
九陰非赦所原後生皆不得以餘殃之身參

涉真經竊受寶文若有苦至志尚自勵首謝
七玄重施功德拔出幽魂披露已身於三光
之下散髻至頭三年不倦自費重信拔於九
江贖解前咎然後聽得清齋百日奉受寶經
然後行事有此之罪而不先自罰責吐首天
亦四
冥而受法者師及弟子同被風刀之考七玄
之祖長閉幽源負石擔山萬劫不解身亡失
經明慎之焉

玄都中品第二篇曰凡欲修學上法已身先
有重罪手殺人命及酷虐下賤殺害衆生劫

略百姓謀圖姦詭九族相交媚妬賢能悖逆
師主不赦之罪積結九陰皆不得參受妙法
循行經文若能苦志吐首先犯効功施德披
露三光散髻叩頭三年陳謝罰校可以贖已
愆拔出七玄使三界各別然後聽得清齋百
日奉受寶經行事有此之罪而不先自首謝
責罰自厲而受經文師及弟子同受風刀之
考魂魄十苦八難身沒幽泉自然失經七祖
父母長充幽徒萬劫不解學者慎之

玄都中品第三篇曰凡是學者受三奇寶文

上清秘經輕泄目錄以示不同宣露妙秘輕
慢寶章者一犯至十罰功斷事三年然後得
更清齋修行過此以上皆罪結九陰考延七
祖充役三徒運石負山十苦八難經萬劫得
出還更生不人之道已身罰以風刀之考失
明形殘死充下鬼萬不得仙奉者慎之

玄都中品第四篇曰凡是學者受上清寶經
三竒寶文不得哭泣臨見死尸及血穢之淹
一犯至十罰功斷事一年然後得依科自罰
拔罪太陰更清齋行事過此以上二十四犯

奪筭減命玉童玉女還於本官不出三年失
經身喪七玄之祖長充鬼役萬劫不解學者
慎之

玄都中品第五篇曰凡學者受上清寶經三
洞祕文不得帶近婦人行陰陽之事皆混淬

亦四

八

真氣十犯至二十四過罰功斷事三百日然
後得清齋循行過此以上玉童玉女各還本
官減筭促命不出年失經身亡七祖被考學
者慎之

玄都中品第六篇曰凡學者受上清寶文三

洞祕文而心懷賊害手行虐暴終生行凶攻
略姦詭始賢妬能攻毀同氣伐敗經師一犯
至五聽得罰信謝責九陰拔罪五嶽斷功禁
事十年聽得清齋還修所受過五以上至二
十四犯司執殺收攝魂神充責北酆七祖充
役經萬劫得還更生非人之道玉童玉女各
反上宮不出一年失經身亡終不得仙學者
慎之

玄都中品第七篇曰凡學者受上清寶經三
洞祕文不得北向便曲及食五辛六畜之肉

飲酒邪淫虧道慢法疑貳不專十犯至二十
四過聽得依科罰信謝過太陰斷功一年然
後聽清齋九十日還修所受過此以上減筭
促命身被風刀之考七玄充責三途不過五
年失經身亡學者慎之

亦四

九

玄都中品第八篇曰凡學者受上清寶經三
洞祕文當依科資信詣師告齋然後受經不
得不告盟而妄披寶文凡諸學人得經便師
而受焉此皆冥使授之不得輕略竊寫及改
易聖文以意自決毀名古音自作一法四司

所糾罪書九陰一犯至三斷功禁事三年案
科自罰投信九河更清齋三十日然後得還
修行過此以上至二十四過玉童玉女各還
本宮減筭奪命身役鬼官七玄之祖長充鬼
役萬劫得還更生非人之道學者慎之

玄都中品第九篇曰凡受上清寶經三洞竒
文當別室安高牀高四尺四寸廣五尺異諸
凡下之經明燈燒香朝夕禮願常為供養不
得使異炁之人冒淹履穢及婦人參入內觸誤
神真此世間所用之科受經之身不得衣服

履履交關非類卧息坐起皆當與物有異犯者從一至二十四過罰功斷事一年然後更清齋修行過此以上為四司所執言過玉清還名艷都七年身止失經七祖被考奉者慎之

玄都九真明科下品贖罪篇

玄都下品第一篇曰凡有後學之人七祖父母生世有犯玄都上品中品第一篇之罪其考尤重結在九陰七祖對寃幽掠累劫殃充後代宜遠不釋者皆當露身太陰之下披髮

叩頭首罪九陰三年自責年竟賚金鑲九隻
一兩金人一形投於三河之口以贖七祖之
罪拔出幽魂之難其科朱書五行桐板一枚
記曰某年某月某子朔如干日子某郡縣鄉
里某七祖父母下逮己身有犯玄都上品中

亦四

十

品第一篇之罪罪結九陰今謹依科罰金鑲
九隻金人一形以贖幽魂酷對之罪投書告
命歸首水官以自解拔罪滅三官魂昇九天
畢以青絲纏物及板以青石沈之臨沈之時
北向仰頭呪曰

太陰九君執司靈官甲今有言歸告河源接
信九源拔出七玄怨對滅解我身登仙畢如
此七祖之考於是釋散得離幽宮上昇福堂
已身便得叅修寶經九年尅有真靈降形與
神同升也玄科尤重不得又犯

玄都下品第二篇曰凡欲修學上真之道若
已身先有犯上品中品第二篇中之罪其考
沈結結罪九陰盤塞冥中上延七祖考對窮
魂纏綿不解者皆當先於太陰之下北向散
髮叩頭首罪三光三年剋責年竟當資古六朱

一斤書刀一口上金一兩金人一形投於三
河之口以贖已罪酷逆之過解結三官拔出
七祖其科朱書青繒反上記曰某年某月某
朔日子某郡縣鄉里某甲年如千歲甲身先
無所見行失玄科手犯元惡上羅玄都上品

亦四

十一

中品第二篇之罪罪結太陰以依科罰金人
一形真朱一斤書刀一枚以贖已身醜惡之
罪投書告命歸首有靈以自解拔罪滅九河
身得長生畢以青絲纏物及文以青石沈之

臨沉之時北向仰頭咒曰

上有太陰執司九君甲今有言歸告河源贖
罪解結按度九難怨魂對魄各反自然禍滅
學仙我身得升畢如此九陰之結便得解釋
怨對之魂反於自然也便得修受上清之經
九年不虧真靈降形與神合冥也玄科嚴重
不得又犯

玄都下品第三篇曰凡修上清寶經洞玄祕
文己身有犯於上品中品第三篇目之罪其
考結於太陽為四司所執言奏玉清犯此之
過當斷功克己入室燒香叩頭首謝北向叩

齒十通仰頭呪曰

太玄幽邈下世希聞輕泄寶真上虧帝尊自
收負責伏款靈門伏願高上曲垂玄恩降以
靈感啓以自然畢便叩頭九過如此三年首
謝更清齋三十日得上解三官解考九陰便
還修行寶祕密念剋得飛仙玄科尤重不得
又犯

玄都下品第四篇曰凡修學上真之道已身
有犯上品中品第四篇目之罪罪結九陰懸
考玉清犯者當於中庭夜半然三十二燈以

洗穢氣清明內外入室燒香北向叩頭首謝
所犯叩齒三十六通仰頭祝曰

世運交喪乾尸翳彰穢氣紛紛與真相迎虧
科犯誠身入罪鄉贖以禮謝洗以明燈禍散
三清福充身昌道廕曲流其慶靡央畢又叩

亦四

十二

頭九過止如此一年更清齋三十日然後得
還修事檢行慎科懃心注真九年剋得白日
登晨

玄都下品第五篇曰凡修上真之道己身有
犯上品中品第五篇目之罪罪結太陰考懸

青宮犯者當作香湯自浴資油於中庭然二十四燈九十日入室北向叩頭九過首謝所犯叩齒二十四通仰頭祝曰

天乾地坤二象交通陰炁混正穢氣彌克喪神虧寶損落法容謹以明燈上映玄宮散禍九陰福慶歸宗畢如此九十日日竟退齋二十四日然後得還修行真法每在告慎明依科文尅得玄真與形合仙玄科尤重不得又犯玄都下品第六篇曰凡修上真之道已身有犯上品中品第六篇目之罪其罪尤重為四

司所執考結太陰對在幽宮有犯當於太陰
之下披髮叩頭首謝玉清解拔太陰依科當
以私寶散乞貧民作百人食以伺饑乏十年
入室叩頭自責北向叩齒九通仰頭咒曰
天遐地廣九原開張身履福門懸罪玉京修

亦四

十三

羅纏落玄洞靈場散寶拔罰施以窮糧罪消
太陰福生十鄉去故奉新方降未央畢又叩
頭九過止此乃高上拔罪上法標於正科十年
如此宿罪滯考並消太陰施行自責年竟更
齋百日然後得還修行拯身慎法不得重犯

玄都下品第七篇曰凡學上真之道有犯上品中品第七篇目之罪罪充上清犯者當以上香十斤送同學之人合十處拔罪一年入室燒香東向叩頭九遍首謝上真叩齒九通仰頭咒曰

五氣錯綜上真不全身染穢悉觸忤洞門傷藏伐命搖動三關違科犯誡羅考自延謹以罰責歸告帝尊乞白使我於今自宣去離下世上登天仙畢如此一年竟更齋二十四日還修所受剋得真靈下降明科之大不得

重犯

玄都下品第八篇曰凡學上真之道有犯上品中品第八篇目之罪為監司所執考結三清犯者當以清油一斛於中庭然燈多少適意唯令灑盡又以上香十斤奉有經之師以拔其過三年入室燒香北向叩頭九過首謝所犯叩齒十二通呪曰

天真高遠玄光下明緣侍宿慶得覩真經未獲玄科虧略天靈違真犯誠沉身分真尅自責厲歸告上清自是之後洗濯故形奉承玄

真與道齊并畢三年周竟當更齋九十日先
以師受便得修行未經師受當資信詣師度
經修行如科剋得上升玄科尤重不得又犯
也

玄都下品第九篇曰凡修上真之道有犯上

亦四

十四

品中品第九篇目之罪罪結於九陰懸考於
玉清犯者當然七燈於堂前入室叩頭首罪
經前叩齒二十四通陳呪曰

玉光垂曜仰徹上清執供不禮虧犯寶經恐
為四司列罪紫庭謹重齋敬仰希真靈曲垂

下降減罪消刑攝奉玄科永保元貞畢如此
一年更齋二十四日然後得還修奉所受玄
科尤重宜自明慎不得又犯

右太玄九真明科三品二十七條出自太上
靈都之官太上常所寶秘不宣下世今抄立

用要訣以付後聖輔明三奇標以大有素靈
之經有骨分合仙便得此文施用技罪解咎
釋結散理七玄將無三年真靈見形與子合
并同昇九天輕泄玄科罪同上文惟在寶秘
密而奉行

玄都九真篇曰傳授經自在九真三品科中
者是後聖帝君始佩經之時受於太上道君
太上授經出於三品明科以輔三寶奇文上
真道經施用之科格其三十一卷獨立餘事
及衆經儀品悉在四極明科之中九真三品

亦四

十五

以三素之上篇置於九帝之宮四極以四司
之官總統衆非亂罰之禁律太真明科以太
帝君所受元始天王之玄章上真之儀格其
法秘於九天之上太帝之王藏誠於上真之
官不行於世九真明科以禁後學四極明科

總領四達其旨幽微自無金字玉名不得知
聞有得此篇不須學而自成科以禁罪見科
知改知改則無虧於天地無虧於天地則合
於自然合於自然便得上補於真仙也無科
而學去仙將為遠矣

玄都九真篇曰凡有至志名參玄宮欲單受
明科知天法禁然後受經審有骨分亦可先告
盟而授之盟信法物悉依三竒寶經之數年
限亦同如之不得輕付非真宣露玄文不依
科盲身沒鬼官七祖父母履刀山劍樹萬劫

不原外如不依科旨罪同科文彼此之禁學者慎之

玄都九真篇曰凡受上法而不承明科虧略天禁罪累七玄考逮一身既知改首罪責自厲還修所受而迴又犯其考重先此則骨命不合形與真反魄同鬼位皆不得重首復修於真經也吾今故以明科悟於未悟既知而犯將何要哉奉者慎之

太帝君讚

翳翳元化初

眇眇晨霞散

太寂空玄上

寥朗二儀判

凝精抱空胞

結化孕虛觀

含精曠神內

儵歛啓冥旦

始悟憂促齡

運交反天漢

蕭蕭步虛遊

旋行禮玉京

稽首歸太無

乘風散靈香

俯仰帝皇堂

飄飄隨虛翔

妙唱發奇音

吟詠太真章

亦四

流度四大界

十天量無央

閨臺發幽夜

神燭吐奇光

璀璨玉林華

耀熠爍瓊堂

虛生自然煙

翥鬱御玄綱

羣真披霄讚

寶盖順風昂

飛步詠空歌

神唱化道張

鬱鬱大化隆

濟濟滋道興

積學隨日感

十六

功滿入大乘

福慶逮一切

七祖咸得升

整駕陵太華

迴轡絕霄館

靈風鼓空洞

香裕乘煙散

蕭蕭禮靈堂

洗洗步玄漢

朗詠啓幽襟

拔度宿根難

五苦應時解

流芳注陶灌

朗闕峙雲網

飛霞翼靈輿

提携無跡真

窈窕入太虛

乘空誦玉篇

蕭條詠羽書

廣念無不普

一切慶有餘

天帝君讚

至道生空寂

玄響陰相求

三真本元一

氣化理還殊

法輪無形內

飄飄清觀流

凝章不待思
結氣合玄符
靈唱發空歌

吟詠步虛遊
玄化本無跡
有跡生道宗

遨遊九天際
息駕六領宮
提攜高上賓

反我素靈房
道暢虛漠內
靈歌發太空

形感至寂度
思詠希微通
雲光翳晨暉

亦四

十七

停曜燄玉京
玄龍不待駕
蕭蕭步虛翔

手撥七寶華
靈風散竒香
妙詠乘襟發

粲粲啓玉章
萬氣混元一
總歸三玄梁

乘天不云高
遐望九玄遠
振翮思玄轡

希登暮雲霄
積念告靈感
期與玉真交

曖曖天漢澄

飄飄景雲迴

三真騰空上

控轡迅紫微

明唱度後身

咸令乘景飛

拔出三塗難

九玄離苦哀

太微帝君讚

太真生空洞

瓊羅耀寶臺

旋行禮玉京

衆仙唱微詩

迴轉無跡內

虛歌契幽期

度身上生天

吟詠積福基

策轡太霞館

時復宴景雲

飄飄無崖際

離離入玄門

意適道亦暢

心丹志亦分

積學隨日新

詠我素靈文

八景運天輿

飛霄蔚玄旌

素蓋乘風迴

寥寥入紫清

妙讚萬真曲

玉響何鈴鈴

披技九陰籍

度身反南庭

慶流普一切

妙化靡不榮

清淨玄道宗

明朗煥太空

妙化由靜嘿

潛想三素宮

積念徹玄虛

微微至道通

叩詠響玄寂

靈唱靡不陞

丹暉映雲庭

紫煙耀玉林

煥爛七寶華

璀璨搖靈音

宮商自相和

妙趣領人衿

玄唱種福田

廣度無界心

後聖金闕帝君讚

躬奉元始天

三象混玄一

蕭蕭正道興

浩浩大乘逸

六氣還正庭

總歸沉九室

出入遊帝堂

精華曜雲日

運周反天漢

窈窕乘玄七

圓華映明珠

二景對真光

靈暉啓朔會

玄象交扶桑

冥度自相求

陰暢玄八荒

若能餐此精

長得御玄綱

亦四

十八

遊戲九玄臺

解憇西羽阿

神獸鳴瓊堂

飛鳳互參差

虛生自然詠

真人唱節和

化身劫仞庭

緣香命清歌

建功立福田

技度後身羅

七玄散幽宮

去離无難那

飛度躡霄嶺

翔翮東華宮

風雲虛中唱

玉音散瓊堂

真人詠空歌

妙響絕雲房

解我自然襟

成我積劫功

長嘯九玄上

清瞻覩空同

龍吟絕宅府

鳳嘯太霄館

虛唱无留味

哀音乘風散

誰能究此章

精誦素靈讚

以解九陰過

技度七玄難

太極真人曰太上素靈洞玄妙經以元始同

生靈文既存衆真詣座燒香禮經旋行誦此

二十一篇之章以慶於神庭也玉音激朗清

徹九天其句幽微妙趣傍通誦詠一過萬神

啓靈恒能究習與帝合真解宿對之重責技

七玄之幽宮解五苦於愁魂度身上於生天
妙乎微哉斯之靈文也

亦曰

九



太上九真明科

